

NUTQ MADANIYATI VA ADABIY TIL ME'YORLARI

*SamDCHTI 2-bosqich talabasi**Nizomova Aziza Husniddin qizi**azizanizomova999@gmail.com**Ilmiy raxbar: Sh.O.Mamayoqubova**Email: mamayoqubovashahlo@gmail.com*

Abstract: Speech is used in the processes of expression and exchange of ideas, language is a form of living as a separate type of social activity. Speech has an individual and unique character in each person. Culture is a certain level of historical development of society, human creative power and abilities. It is expressed in various aspects of people's lives and activities, as well as in the material and spiritual wealth they create. Speech and culture combine to create "speech culture". The culture of speech is a social phenomenon, it develops in an integral connection with the development of society, science and technology, cultural and literary life. In the development of speech culture, literature, art, radio, television and periodical press play a big role. Knowledge and cultural level of society members as he grows up, his speech becomes polished and refined, leading to the formation of a literary language. Literary language is a reworked and standardized language form of a particular national language, which serves the cultural needs of the people who speak this language and is understandable to all representatives of the dialect. Literary language is taken from dialects and processed, creating its own standards and criteria. Norms play an important role in the use of language, just as norms are important in any type of activity. It defines limits and possibilities when using language. This article talks about speech culture and norms of literary language.

Key words: speech, culture, literary language, norm, written, spoken, radio, television, nation, respect.

Аннотация: Речь используется в процессах выражения и обмена идеями, язык является формой жизнедеятельности как отдельный вид социальной деятельности. Речь имеет индивидуальный и неповторимый характер у каждого человека. Культура – это определенный уровень исторического развития общества, творческих сил и способностей человека. Оно выражается в различных сторонах жизни и деятельности людей, а также в создаваемых ими материальных и духовных богатствах. Речь и культура объединяются, чтобы создать «речевую культуру». Культура речи – явление социальное, она развивается в неразрывной связи с развитием общества, науки и техники, культурной и литературной жизни. В развитии речевой культуры большую роль играют литература, искусство, радио, телевидение и периодическая печать. Знания и культурный уровень членов общества по мере взросления его речи оттачиваются и утончаются, что приводит к формированию литературного языка. Литературный язык — это переработанная и стандартизированная языковая форма того или иного национального языка, обслуживающая культурные потребности народа, говорящего на этом языке, и понятная всем представителям диалекта. Литературный язык берется из диалектов и обрабатывается, создавая свои стандарты и критерии. Нормы играют важную роль в использовании языка, так же, как нормы важны в любом виде деятельности. Оно определяет пределы и возможности прииспользовании языка. В данной статье говорится о культуре речи и нормах литературного языка.

Ключевые слова: речь, культура, литературный язык, норма, письменное, устное, радио, телевидение, нация, уважение.

Аннатотсиya: Nutq fikr ifodalash va almashish jarayonlarida amal qilinishi, tilning alohida ijtimoiy faoliyat turi sifatida yashash shakli. Nutq har bir shaxsda individual va o'ziga xos xarakterga egadir. Madaniyat bu jamiyat, insonning ijodiy kuchi va qobiliyatlari tarixiy taraqqiyotining muayyan darajasidir. U kishilar hayoti

va faoliyatining turli ko'rinishlarida, shuningdek, ular yaratadigan moddiy va ma'naviy boyliklarda ifodalanadi. Nutq va madaniyat birlashib, "nutq madaniyati"ni yuzaga keltiradi. Nutq madaniyati ijtimoiy hodisa, u jamiyat, fan va texnika, madaniy va adabiy hayot rivoji bilan uzviy bogliq holda taraqqiy etib boradi. Nutq madaniyatining rivojlanishida adabiyot, sanat, radio, televideniye va davriy matbuotning o'mi katta. Jamiyat a'zolarining bilim va madaniy saviyasi o'sgan sari nutqi ham jilolanib, sayqallashib, adabiy tilni shakllanishiga olib keladi. Adabiy til - muayyan umumxalq tilining qayta ishlangan va me'yorlashtirilgan, mazkur tilda so'zlashuvchi xalqning madaniy ehtiyojlariga xizmat qiluvchi va barcha sheva vakillari uchun tushunarli bo'lgan til shakli. Adabiy til shevalardan olinadi va qayta ishlanib, o'z me'yor va mezonlari yaratiladi. Faoliyatining har bir turida me'yor muhim bo'lgandek, tildan foydalanishda ham me'yor muhim rol o'ynaydi. U tildan foydalanish paytida chegara va imkoniyatlarni belgilab beradi. Mazkur maqolada nutq madaniyati va adabiy til me'yorlari haqida so'z yuritiladi.

Kalit so'zlar: nutq, madaniyat, adabiy til, me'yor, yozma, o'g'zaki, radio, televideniye, millat, hurmat.

Bilamizki, eng qadimgi davrlarda insonlar belgilar asosida gaplashishgan. Ular nutq so'zlashni bilishmagan. Ammo vaqtlar o'tishi bilan nutq paydo bo'ladi. Nutq individual bo'ladi. Ammo xalqning urf-odatlari, madaniy-ma'rifiy madaniyati, ijtimoiy -falsafiy va estetik dunyoqarashi kabi bir qancha omillar bilan nutq madaniyati shakllanadi. Nutq madaniyating rivojlanib, sayqallanib borishi natijasida butun bir millat uchun umumiy bo'lgan til adabiy til vujudga keladi. Adabiy til butun bir millatni bitta nutq madaniyati doirasida birlashtiradi. Uning o'z me'yorlari mavjud. Bu me'yorlarga amal qilish har bir o'z tilini hurmat qilgan inson uchun muhim. Bu millatning o'ziga bo'lgan hurmatini ko'rsatadi.

Nutqiy faoliyat kundalik faoliyatimizning tarkibiy qismidir. Nutq madaniyati kishilarning kundalik nutqiy faoliyati bilan aloqador. Adabiy tilning o'zi nutq madaniyatini tashkil eta olmaydi. Adabiy tildan, uning madaniylashgan

vositalaridan nutqiy faoliyatda foydalanilgandagina adabiy til nutq madaniyati vositasiga aylanadi. Masalan, hozirgi zamon o'zbek adabiy talim-tarbiya ishlari olib boriladi, ilmiy va badiiy adabiyotlar nashr etiladi, gazeta va jumallar chiqariladi. Radio va televideniye eshittirishlarida ushbu til m'eyorlariga amal qilinadi. Yozma nutqda o'zbek tilining imlo qoidalariga, gapirganda esa, adabiy talaffuz talablariga rioya etiladi. Adabiy nutq, uning yozma va og'zaki shakli me'yorlari bu tilda so'zlovchilarning shaxsiy nutqlari va bu nutqlar yig'indisidan iborat bolgan umumiy me'yor sifatida namoyon bo'ladi. Adabiy nutq madaniyatini egallashda tilga e'tibor, unga chinakam hurmat va muhabbat muhim rol oynaydi. Adabiy nutq me'yorlarini shunchaki qiziqish va u bilan nomigagina shug'ullanish bilan egallab bo'lmaydi. Buning uchun shaxsning saviyasi yuksalishi, bilimi o'sishi ham talab etiladi. Shunga ko'ra, adabiy nutq madaniyati nutqiy ko'nikma, nutqiy malaka natijasidir. Nutq madaniyati malakasiga adabiy til qoidolari, til bo'yicha bilimlar, tajriba orqali erishiladi. Nutq madaniyati malakasi egallangan bilim, o'rganilgan qoidalar emas, balki kishining ularga o'z nutqiy faoliyatida amal qilishga, qo'llashga erisha olgan ko'nikmasidir. Korinadiki, nutq madaniyati aniq nutqiy faoliyat, aniq nutqiy amaldir. Nutq madaniyati va nutqiy faoliyat uzviy bogliq. Madaniy nutq madaniy nutqiy faoliyat mahsulidir. Shunday qilib, nutq madaniyatini egallash madaniy nutq ko'nikmasini hosil qilish demakdir.

Og'zaki va yozma nutq madaniyatining o'ziga xos qoidolari va me'yorlari bor. Ayniqsa, yozma nutq madaniyati me'yorlari uzoq asrlardan beri taraqqiy etib kelmoqda. Masalan, XV asrdayoq o'zbek yozma nutqining me'yorlari bo'lgan. Buyuk mutafakkir shoir Alisher Navoiy o'zining butun hayotiy va ijodiy faoliyati bilan o'z davri yozma nutq madaniyati, nutq odobi rivojiga mislsiz hissa qo'shgan.

Bobur, Muhammad Solih, Gulxaniy, Nodira, Ogahiy, Furqat, Muqimiy va boshqa shoirlaming asarlari tilida Alisher Navoiy an'analari davom ettirilgan. O'tmish ajdodlarimizning o'gzaki nutq madaniyati qanday bo'lganligi haqida ma'lumotlar yetib kelmagan. Biroq xalqimiz orasida ming yillar davomida yashab

kelayotgan. Yaxshi so'z - jon ozig'i, yomon so'z - bosh qozig'i, bug'doy noning bo'lmasa ham, bug'doy so'zing bo'lsin, o'ynab gapirsang ham, o'ylab gapir, har neni yemak - hayvonning ishi, har neni demak - nodonning ishi kabi maqol va hikmatlarning yashab kelayotganligi o'tmishda ham og'zaki nutq madaniyatiga katta e'tibor berilganligini ko'rsatadi.

Nutq madaniyati haqida gap ketganda, qaysi so'z va qo'shimchalarni qo'llash to'g'ri yoki noto'g'riligi, nutqimizda uchraydigan xatoliklar haqida so'z boradi. Bu holat mal'um bir me'zonlar asosida baholanadi. Bu o'lchov adabiy nutq me'yorlaridir. Me'yor haqida olimlar ko'plab fikrlarni bayon etganlar. Masalan, S.I.Ojegov fikricha, me'yor - bu ijtimoiy taraqqiyot davomida shakllangan til birliklarining maqbulini tanlash natijasida vujudga kelgan, jamiyatga xizmat qiladigan foydali (to'g'ri, ma'qul) til vositalari yig'indisidir. B.N.Golovin esa "Me'yor - tilning xalq tomonidan o'zaro yaxshi tushunish zarurati tufayli yaratilgan amaliy jihati. Bu zarurat tilning yagona shakliga erishish yo'lida odamlarga biron variantni ma'qul ko'rish, boshqasidan voz kechish istagini tug'diradi. Jamiyatning ana shunday yagonalikka erishish yo'lidagi intilishi bilan birgalikda til me'yori milliy adabiy tilda yuqori darajaga ko'tarilib, mustahkamlanib boradi" deb yozadi.

Umuman olganda, nutq har bir shaxs uchun qalbidagilarni chiqarish insonlarga nima demoqchi ekanligini ifodalab, tushuntirib berish qanchalik muhim bo'lsa, adabiy til me'yorlariga amal qilish xalqning birligini saqlash shunchalik muhim. Uning qoidalarini o'rganish va undan foydalanish paytida amal qilish tilga, butun bir millatga hurmat ko'rsatishdir.

Foydalanilgan adabiyotlar:

1. Raupova Laylo, Nutq madaniyati /darslik/Toshkent: "INNOVATSIYA-ZIYO", 2019.
2. A.J.Omonturdiyev, SH.I.Abduraimova, O'zbek nutq madaniyati uslubi.
- 3.<https://oyina.uz/uz/teahouse/2120>

4.Sh.O.Mamayoqubova. "Pedagogical conditions of professional development of higher Educational establishment teacher" Xalqaro so'z san'ati jurnali. ISSN 2181-9297Doi Journal 10.26739/2181-9297. 2022 5 son, 48 p

5.<https://fayllar.org/>

6.<https://uz.m.wikipedia.org/>